

Izvršeni pretresi u Živinicama, Gračanici i Tuzli

12.03.2018 13:06

Radeći po nalogu Općinskih sudova i Kantonalnog suda Tuzla, policijski službenici Uprave policije MUP TK (OKP PU Tuzla, PU/PS Živinice i Gračanica), su dana 09.03.2018.godine izvršili pretrese na ukupno tri lokacije na području općina Živinica, Gračanice i Tuzle.



Prilikom pretresa na području općine Živinica kod lica A.A. i lica Z.S , pronađene je manja količina materije koja svojim izgledom asocira na opojnu drogu "Speed" a prilikom pretresa kuće, pomoćnih objekata i garaže koje koristi lice A.A. pronađena je i ručna bomba.

Pronađena materija je privremeno oduzeta i bit će predmet vještačenja, dok je nad navedenim licima zavedena kriminalistička obrada. Policijski službenici poduzimaju mjere i radnje na dokumentovanju ovog događaja.

Istog dana policijski službenici PS Gračanica su izvršili preventivno-represivnu mjeru ograničenog kretanja na određenom prostoru (raciju) u Gračanici, kojom prilikom je izvršen pregled i legitimisanje 8 lica, kom prilikom je kod lica S.A. rođen 1994. godine, nastanjen na području općine Gračanica pronađeno pet komada pvc. folije u kojoj se nalazila zeljasta materija koja svojim izgledom asocira na opojnu drogu "Canabis". Nakon potrebnih vještačenja, nadležnom Kantonalnom tužilaštvu TK-a bit će dostavljen odgovarajući Izvještaj protiv imenovanog lica, a potrebne mjere i radnje na dokumentovanju navedenog događaja poduzimaju službenici OKP PS Gračanica.